

温州文献丛书

瓯海轶闻(下)

〔清〕孙衣言撰
张如元校笺

《温州文献丛书》整理出版委员会
上海社会科学院出版社

温州文献丛书

〔清〕孙衣言撰
张如元校笺

瓯海轶闻 (下)

《温州文献丛书》整理出版委员会
上海社会科学院出版社

图书在版编目(CIP)数据

瓯海轶闻 / (清)孙衣言撰;张如元校笺. —上海:
上海社会科学院出版社, 2005

(温州文献丛书)

ISBN 7-80681-711-5

I. 瓯... II. ①孙... ②张... III. 温州市—地方
史—史料—古代 IV. K295.53

中国版本图书馆 CIP 数据核字(2005)第 106335 号

瓯海轶闻

撰 者 [清]孙衣言

校 笺 者 张如元

责任编辑 边 集

特约编辑 傅新营

封面设计 姜 明

出版发行 上海社会科学院出版社

(200020)上海淮海中路 622 弄 7 号 021-63875741

<http://www.sassp.com> E-mail: sassp@sass.org.cn

经 销 新华书店

印 刷 上海社会科学院印刷厂

开 本 890×1240 毫米 1/32

印 张 52.5

插 页 5

字 数 1264 千字

版 次 2005 年 11 月第 1 版 2005 年 11 月第 1 次印刷

印 数 0001-1100

ISBN 7-80681-711-5/K·171 定价:125.00 元(全两册)

版权所有 翻印必究

温州文献丛书 第一辑书目

周行己集 [宋]周行己撰

薛季宜集 [宋]薛季宜撰

张璪集 [明]张璪撰

岐海琐谈 [明]姜准撰

太平天国时期温州史料汇编

孙锵鸣集 [清]孙锵鸣撰

温州经籍志 [清]孙诒让撰

温州历代碑刻集

孙衣言孙诒让父子年谱

张 櫟日记

周梦江笺校

张良权点校

张宪文校注

蔡克骄点校

马允伦编

胡珠生编注

潘猛补校补

金柏东主编

孙延钊撰 徐和雍 周立人整理

张 櫟撰 俞 雄选编

《温州文献丛书》整理出版委员会

主 任：钱兴中

副 主 任：瞿纪凯 黄纯诚 胡珠生

委 员：马允伦 卢礼阳 陈增杰

周梦江 金柏东 洪振宁

潘猛补

办公室主任：瞿纪凯（兼）

副 主 任：郑笑笑

《温州文献丛书》编辑部

主 编：胡珠生

副 主 编：陈增杰

成 员：（按姓氏笔画为序）

马允伦 卢礼阳 刘时觉 吴明哲

张如元 张乘健 陈明猷 周 干

周梦江 金柏东 萧耘春 潘猛补



季 光 弼

皇帝即位之六年五月壬戌，有旨：“季光弼所献文字有补治道，可与循两资。”制曰：“上书公车，日以百计。高则近迁，卑则涉谄。至于出入经史，动含讽谏，览尔奏篇，朕甚嘉之。进官一列，不独尔私。庶闻其风，亦克用劝。”先是四月戊辰朔，日有食之，君摭光武十事，备论以进，目曰《美芹》，文简而旨深，意笃而言婉。训词既颁，士夫相与传诵。圣天子导人使谏，盛德日新，而君之名亦由此暴白于天下。（楼钥《攻媿集》一百《知嵯县季君墓志铭》）

一日，闻西府除目，愀然曰：“枢筦与中书并立，系朝廷轻重，其可忽诸？”遂考唐之宰相，起自武德裴寂，终于天祐杨涉，作《编年录》。论说二百五十有五，去取抑扬，皆有微意，苟位之非据，假以隆名，虽元勋如郭子仪亦不得预。读者为之耸叹。（同上）

盐官邑庠久不振，君召张横浦高弟子恕、郎晔，勉以身率士子，课试皆临视之，咸自奋励，登巍科如张少良等数人。邵阳僻远，士无师承，君遇诸生如朋侪，程度甚悉，邻郡县之士至者相属，凡经指授，多成美才，如陈偕、谢特起辈，有声湖湘间。此君之善教养者然也。浙西漕河浅淤，例调民运水以济往来，岁旱民劳，水愈不至。君相地形，凿河引潮以灌之，至今为便。闽有仙湖，为豪右所田，君按黄谏议之旧，疏浚以广灌溉。此君之善兴民利者然也。君之所讼，不为钩距，一以至诚临之，公而生明，无不洞察。罗源尉锻炼平民为盗以希赏，连帅丞相陈申公命君鞠治，悉从平反。公欲腾奏，又力辞之。有母改适而子有后言，讼其不孝，君曰：“‘不为伋也妻者，是不为白也母。’安得以不孝坐之！”申公称其引经之决。剡民张僖之子为盗所戕，疑怨家黄氏为之，黄无以自明。君察其非杀人者，故缓其狱，得子之衣于东

阳，遂禽真盗。又有王生与僧有隙，匿田家之子，使其交讼之，旁引曲证，僧自诬服。君独以为疑，求之，竟得于其家，告者遂伏辜焉。君之救荒，不为文具，皆出于惻怛之意，所至究心，受赐者众。隆兴之初，畿邑大歉，尚书薛公良朋尹京，以事属君，君列急务六条献之，随即施行。给事程公叔达以六察行县，喜曰：“使诸邑皆如君，尚忧饥民哉？”丞相史魏公闻丞之才，常下君所，陈尽发常平，裁价分粜。民为之谣曰：“饥不忧，与之庾，儒林季公民之父；寒不忧，今有裤，儒林季公民之母。”既为县，又遭游饥，山谷穷民易致啸聚，君加意拊摩，豫令富室致吴中之米七千馀斛丐于府，得常平缗钱二万于邻邑，始得按堵。而嗣岁尤甚，禾未登场，民已菜色，秘丞朱公熹力举一道荒政，尤详于越。君求哀诸司，得米四万斛。县有二十七乡，凡为赈粜场、赈济场、养济坊三十馀所，戴星出入以课督之，数月之后须发为变。朱公每贻书劳勉曰：“省刑缓赋，以回天意，非体国爱民之切，不及此也。”（同上）

校笺：“于恕、郎晔”，“于”原作“於”，据《宋元学案》四〇改；“晔”原从目，误（《学案》避康熙帝玄晔讳，晔皆作煜）。“丞相陈中公”，陈俊卿（1113-1186），字应求，莆田人，绍兴进士，以不附秦桧被抑。乾道二年，试吏部尚书除同知枢密院事兼参知政事。四年，拜相。以用人为己任，奖廉退，抑奔竞。《宋史》三八三有传。程叔达（1120-1197），字符诚，安徽黟县人，绍兴十二年进士，典湖学，教授兴国军，以极论时弊擢监察御史。生平详杨万里《诚斋集》一二五《赠特进程公墓志铭》。丞相史魏公即史浩，已详卷五“诸葛说”。“不为伋也妻者，是不为白也母”，语出《礼记·檀弓上》。伋，孔伋（即子思），其子名白。

有贵臣过县境，冠盖相望。或劝俱往，君为诗曰：“不堪枉道依阳虎，可是无心简子敖。”闻者赅之。（同上）

雅爱东山林泉之胜，筑室其下，楼曰“双清”，轩曰“静宁”，欲为晚岁归休之地。（同上）

按《墓志》，光弼字观国，居平阳桂源。曾祖宗乔，祖文莹，父敦习。绍

兴二十七年第,历主福清簿、盐官簿,邵州教授,宁德丞,知嵎县,转奉议郎,卒年五十七。子复之、泰之、蒙之。婿林仲明、陈权。又见《郡志·选举》。

闻人阜民

闻人阜民,瑞安人。绍兴二十七年进士,隆兴间教授。汪应辰荐状云:“福州学校最盛,春秋补试不下六千人,奔竞请谒,习以成风,是非毁誉,无时不有。阜民持身严谨,守法坚确,人不敢干以私,久之亦无间言。士之癯老者安存之,敏秀者诱进之,偏长片善,必加奖励,人益自爱而劝于学。(《福建通志》百二十三《福州宦绩》)

按:阜民,《郡志》无考。

诸葛说

诸葛说,永嘉人。绍兴三十年进士,乾道间主簿。时丞相史浩帅闽,不轻以狱讼委属吏,闻悦贤,多令判决,咸决得其平,浩滋重之。时幕府宾游多迎浩意,惟悦一话一言非裨补民生不轻出口。浩欲荐之,会说病卒。所著有《易论》若干卷。(《福建通志》卷百二十三《长乐宦绩》)

按:说,绍兴庚辰第,见《郡志》。

校笺:诸葛说已见卷五,此重出,宜移并于该卷。

郑 噩

君姓郑氏,讳噩,字仲酉,温州平阳人。

君治狱察辨而坚明。保义郎孟友谅,有妻赵,又挑寡妇茅以居,如二妻。茅之男,其夫李之子也,蓄于友谅,以病而殒。茅告赵,谓其谋杀之也,掠治不胜痛,自诬服,将抵死。君讯知其冤,与一郡官吏争论累月,赵卒得不死。有僧惠果诉范模者曰:“模善为骗,吾携疏乞钱,而模使其徒黄文昌致吾空寺中,伪出姓名,

谬多题施，因数取钱物酒食以相报设，今巨费矣。”然无左验，有司疑之。君令益取纸，杂问模他事，徐视其答，则有与题施之字同者数十。鞫之，果模与文昌谋，改笔易书以诈之也，遂伏罪。新淦素大县，诛责厚，往往失施置，累令坐不良去。吏部榜阙于亭甚久，人莫敢当，君叹曰：“吾欲无待阙而畏其难，可乎？”单马之县，尽疏邑病，陈义引古以撼诸使，使稍为动，得颇有蠲损。既不迫于期会，然后调柔其鬻者以寡讼，矫强其愿者以趋学，三年之间，县以大治，声流江西，诸使会当荐者，君为首。君积与守不相下，守怒，中君以法，赖诸使缓之，而君亦已先遇疾，遂卒官下。（《水心集》十五《郑仲西墓志铭》）

按：《墓志》：“曾祖琼，祖榛，父躬。中进士第，为天台县尉，武义县丞，临江军录事参军，知新淦县。淳熙十一年十二月初六卒，年五十六，葬金舟乡斜溪山。子益朋、寿朋。”又见《郡志·选举》绍兴庚辰进士题名。

校笺：“蓄于友谅”、“谓其谋杀之也”，蓄、其，《叶适集》作“蓄”、“为”，以此为胜。

何 紘

何紘，字文伯，永嘉人。庆元二年知军事，才敏给，为政审先后，奴隶走卒，各得其所。尝作《人物志》，创平潭桥，新桂籍堂。（《旧福建通志》三十《兴化名宦》）

按《郡志》，紘绍兴庚辰第。又按《同治福建通志》一百二十七《宦绩》、《弘治兴化志》五《吏记》紘传，文字互有详略。

陈 櫟

尔尝奉大对，亚乎褒然之选；才长文富，不自炫鬻。从其所好，翱翔著庭，以昌令名，以就远器。（《止斋集》十八《秘书丞陈櫟除著作佐郎》）

按：櫟字持中，《馆阁续录》淳熙十一年登第，至绍熙四年始除秘书丞，次年十一月由秘丞除小著作，距登第时十年矣。盖恬于仕进者，故有此

语。又按《馆阁续录》，持中以庆元年六月由著作佐郎出知舒州（按《安庆府志》佚其名）。又《水心集》有《岷江愁二首挽陈持中知府郎中嫂恭人》诗，则尝为四川郡守。又《止斋集》有《送陈持中赴四明节推》诗（按：此《陈季阳墓志》所谓幕官，盖初登第时也），盖即《陈季阳墓志》所谓“不待次即得幕官”。又按《福建通志》，持中尝为福建提举常平，而《郡志》言为提刑知漳州，当更考。

校笺：此《墓志》见《止斋集》四九。楫为季阳第三子，淳熙十一年进士第二（《宋会要辑稿》选举二之二四），次年季阳卒，时楫为奉国军节度推官（《墓志》）。《淳熙严州图经》一《贤牧》：“陈楫，嘉泰三年十月十五日以朝请大夫权发遣。嘉泰四年八月初一日罢任。”

宋 晋 之

君讳晋之，正卿其字也。旧名孝先，字舜卿。入太学，登乙科，授左迪功郎汀州司户参军。到官明锐任事，不择剧易，郡政待户曹乃决，有“霹雳手”之名。秋稼加耗病民，君以郡命蠲之，人皆欢服。校文三山，士逾二万。杜君申有场屋声，又尝名荐书，文卷已遭摧剥，君识于众人中，引义力争，竟置举首，果以经魁南省，人尤服鉴裁之明。时丞相王公准、检正吴公龟年、少卿郑公伯熊同为部使者，皆欲出其门。（《攻媿集》一百九《朝散郎宋君墓志铭》）

海舟之隶于邑者数千艘，君既被檄总其目，分番以备调发，舟人安之。时造战舰，期会趣迫，君缓其期，事亦随办。伐木必亲相视而后取，其免于斧斤者号“宋公松”。（同上）

长溪有隐君子林君维屏，号榕台先生，君屈致邑庠，遇讲书，与其长率邑之寓公听焉，学者益励。丞相梁文靖公闻之，遂招入郡中。一时政化之盛，君实启之。（同上）

校笺：晋之为王十朋弟子。林维屏，字邦援，通《易》、《诗》、《书》，《宋元学案补遗》七〇有传。梁克家（1128—1187），字叔子，谥文靖，福建晋江人。绍兴三十年进士第一，乾道八年、淳熙九年两度为相。尝知福州，所

编《淳熙三山志》，多出陈傅良手。传见《宋史》三八四。

再调光化令，乡人王公自中为守，每称为老先生。被边事简，作亭丰山之巔，遥望卧龙旧隐，暇日相与登高吊古，哦诗度曲，不复以僚属相遇。（同上）

有古樟阴蔽甚广，自号樟坡居士。晚又筑亭其上，榜曰“可亭”，赋诗赓酬者众，钥亦预焉。（同上）。

归老余年，齿落复生，发白更黑，颀然为乡曲之望。诗文甚多，随有散佚，今惟《乾坤二卦》、《中庸》《大学》《禹贡》《洪范讲义》、《春秋十二公论》各一卷、《历代中兴君臣论》二卷、《拟进万言书》一卷、《樟坡集》三十卷藏焉。（同上）

按《墓志》，晋之字正卿，由太学登乙科，历汀州司户参军、长溪丞、临海令、光化令、知奉化县、信州通判。曾祖惟表，祖世则，父允修。嘉定四年卒，年八十六。子统，宁德主簿，衢州比较务，调邵武军司法；纓。孙柄、侨、俶、宅。孙女适进士刘灏、国学进士张复道、进士万达。葬县盖竹山。

宋君名晋之，字正卿。惓惓无华。三为县长，皆以儒术饰吏事，首欲兴学，迄于有成，邑人纪之。（《攻媿集》五十四《奉化县学记》）

赵 善 悉

赵善悉，宗室，商恭靖王元份裔孙，居乐清。乾道二年进士，淳熙间任。建学宫棖星门；又造金溪石桥，免徒涉，人称赵公桥。（《福建通志》卷百二十三《宁德宦绩》）

按：赵善悉，乾道丙戌第，见《郡志》。

校笺：赵善悉（1141—1198）能诗，生平详叶适《墓志铭》（《水心集》二一）。子汝铎，叶适弟子。

邵 叔 豹

君讳叔豹，字隐甫，姓邵氏，温州平阳人（按铭文，叙姓氏家世原并在志末，合列于首）。

君之子持正，为余言君监岱山盐场时事曰：“场监至贱也，走书乞索日至。州县将有土木之事，或佣借夫力，上司抛买，提刑司所谓五分头子，皆于此乎取。提监及州县吏每年帐例缗钱千馀，他所须求尚不预。旧常使甲头持状名借于官，谓之请本煎盐，实克亭户钱以应诸费。君初到，受前官牒，亭户借欠钱至六千百馀万，曰：‘已豁其半矣，昔吾受牒，盖不止此。’君大惊曰：‘盐买可足耶？’阴白于州，为从上遏绝者，尽罢蠲之。痛抑诸费，甚不可免，则买盐有馀钱足以当矣。久之，亭户争煮盐中官，君为益买零盐，随称轻重，得钱增十八九。右曹上其最，进官者再焉。君又祷提盐，除绍兴年借欠亦且千万。自是亭民不复笞讯，始着新衣，置家具，君亦治敖庾，饰公廨，内外坚好矣。岱山在明州昌国县大海际，居者数千，君直其争讼，岛聚欢服，不干守令，曰：‘自有岱山场未有也。’”（《水心集》十五《武翼郎邵君墓志铭》）

后数年乃监光化军酒税。军无苗额，惟视酒税耗登，十官九称乏以为常。君既足郡经用，又赈流民之来食者。去且二十年，余友王道父为守，其人陈“某计有某利”，曰：“往邵监税能之，后不能也。”又监镇江府榷货务都茶场门，总领使专酒事，赖君材欲倍卖，辞曰：“某之于曲蘖无异故，不欺而已矣。日增月长可也。骤倍之，使市皆化饮，他日无以见为士者矣。”（同上）

按：持正为水心门人，已别著录。又按《墓志》，曾祖膺，祖锡。父倬，赠忠训郎。官终监造御前军器，绍兴五年卒，年六十八，葬尚仁乡原。子持正、持志。

校笺：所引叶适《墓志》，已见卷一〇“邵持正”之“子文先德”。

刘 仲 光

淳熙三四年间，三山林颖秀实之作邑永康，强敏有幹略，一邑不劳而办，父老以为三十年所罕有。刘仲光茂实为其丞。茂

实永嘉人，尝从一世士君子游，以器识自负，不以细故变其所守，实之疑其好异，而茂实不顾也。予游二君间，每为曲畅其情。邑尉谢景安，独恬然无所适莫，二君亦安之如一家，邑人实赖焉。（陈亮《龙川集》二十八《谢教授墓碑铭》）

茂实材厚通敏，顺物险易。其居自勉以道义之重。（《水心集》十二《送刘茂实序》）

按：此送仲光知奉新。

朝请郎监登闻鼓院刘仲光，纯粹而能刚，疏通而有立。曾知隆兴府奉新县，甚有政声，次历福州通判，又有关决之誉。（《攻媿集》三十一《举杨简刘仲光状》）

校笺：陈傅良有《送刘茂实宰奉新》、《挽刘茂实和州》诗，许及之有《送刘茂实赴连江丞二首》。赵汝愚庆元初致刘仲光书，见岳珂《宝真斋法书赞》二七；陈起《寄刘茂实》，见《诗渊》一册七〇七页。

张 扬 卿

既而其长扬卿遂登进士第。仕州县，以敦朴详练为诸公长者所知。（《朱子集》八十六《夫人徐氏墓志铭》）

按：此朱子为扬卿母夫人墓志。又《郡志》扬卿“乾道丙戌第，随州倅”，《平阳志》但言其官南康教授，盖失考。又按《泰顺大安张氏谱》，扬卿字清叟。祖程，父忱，字信仲。有弟二人，振卿、松卿。

扬卿以从政郎为南康军学教授，与予联事相好也。（同上）

淳熙八年，岁在辛丑，夏四月六日，后学朱熹、张扬卿、王沅、周颐、林用中、陈祖永、许子春、王朝、余□□、王直、张彦先、黄榦，敬再拜于濂溪先生书堂下。（《朱子集》八十二《书濂溪光风霁月亭》）

赵 幼 闻

从政郎福建侯官县丞赵幼闻，器资端亮，识度宽宏，恬淡优游，不急仕进。凡势利之际，众人所其趋者，幼闻独退然引避，若

无意于世者。至公家有利病，则未尝不首出为臣言之。臣观其人忠信笃实，可临大节。（《历代名臣奏议》一百四十四《赵汝愚上奏》）

按：幼闻，乾道丙戌进士，知邵武军，见《郡志》。又庆元元年知仙居，见《赤城志》十一。

毛 密

承议郎添差通判池州毛密，经术醇儒，师授乡党。顷备朝列，尝为大理司直，继因补外，添贰池阳。自到任以来，廉仁之誉洽于众口。近奉宪司之檄，疏决诸邑囚徒，乃能尽心疾怀，探索情伪，一时疑狱，有若无主死人吴山，而滥及无辜者；有若醉人傅百乙自经，而诬人逼死者；有若胡太被劫，不获正贼而执平人者。密至之日，一问而得其情，即时释放；其它滞囚，从宜决遣，曾不旬时，其在狱者及追逮未至者，放三百八十有六人，莫不欢呼而去。（杨万里《诚斋文集》三《荐举毛密政绩奏状》）

按：密字崇夫，乾道己丑进士，见《郡志》。又按：密为平阳黄石之婿，见《周益公集》三十二《黄公墓志铭》。

鲍 瀾

清卿讳瀾，生六七年，读书迎解，下笔有奇语。入大学，每一篇出，士人转相授，垫首醉心，争效其体，惟恐不庶几也。前后积取高等，中上第，教授处州、兴化军，幹办湖运司公事，知新昌县，通判濠州。知潮州，自乞官观；知融州，复乞冲佑观而终，累官朝散大夫。（《水心集》十六《朝散大夫鲍公墓志铭》）

方永思陵复土，清卿主新昌顿递。中贵人、卫士求索纷杂，至裂供张，弃食饮，椎床呼摔。他邑失魂魄奔命，清卿取小胥所执筹签削之，濒运河立，曰：“大行在道，率土悲殒，非臣子自快时也！小县排设既一应法矣，而公辈诛责不已。吾抢两目，蹈此

水为百姓请命，公能自安乎！”众大惊，谢过退，即次肃然。民免横斂，而大官先置犹餘二百万，上之。（同上）

濠归正人常跳淮暴虏边，杀人烧屋相继。千户隔河注箭，征主叫骂，清卿使与打话曰：“吾在此，姑待。”集其总首抚之曰：“尔等看我面如满月，忍为是乎？”归正人感动，皆拜且泣，曰：“请后不敢。”自是终清卿去，边人开窰而睡，牛马被野矣。（同上）

按《墓志》，清卿高祖轸，太常少卿；曾祖极，宿州教授；祖海；父得朋，缙云令。嘉定元年卒，年六十八。二子，埜，迪功郎兴化尉；渠，先卒。孙筦、簪。又按《郡志》，乾道壬辰第。

校笺：楼钥《鲍潮州蒲挽词》：“三试皆前列，一官何后时。低徊广文舍，黜谪使君麾。遇事有如烛，卫生宁及葵？旧游成隔世，流涕读新碑。”“客授壬辰岁，巍科盛永嘉。芹宫屡挥麈，竹院几烹茶。假守深交谊，清谈及道家。犹怀郡斋晚，群雀噪檐蛇。”

王 俦

王俦字尚友，平阳人。乾道中知乐至，廉洁谦恭，宽民严吏，民立生祠祀之。（《四川通志》十七《名宦》）

按：俦，《郡志》无考。

校笺：此见《雍正四川通志》七上《名宦》。

潘 雷 焕

及两鬓之已华，领壮县而独欣。弃讼牾而弗设，惟经师之是遵。参累政之短长，从百里之笑嚬。酌民言而径行，或黄堂之未闻。有负租而弗问，奚加赋之敢云。积棠阴之劬劳，忘捫内之欠伸。（《止斋集》四十六《祭潘省之》）

按：雷焕之子顺，止斋先生婿也。雷焕登乾道壬辰第，令上饶，见《郡志·进士题名》，而不详其政绩。

林 仲 懿

丰城为赣、吉下流，地势湮甚。岁春夏水暴至，方县数十里汇为巨泽，县兀然居中，以堤自障，堇堇不没。以故傍县之田率以夏潦退然后敢即功，夏秋之交水势，则治江岸以约水归道，俾无横溢，幸得迄穡事，岁以为常。淳熙戊戌，水啗县上流之岸曰观巷，未几又啗下流之岸曰聂家垵。始隙甚微，簣土可窒，吏偷民惰，弗究弗度，岁历滋久，至大溃决。由是傍县之田无稔岁，熟视莫可奈何。庆元丙辰，永嘉林君仲懿求莅邑政，咨所急务，众以是告。君课吏具水所侵，户以庐计者八千一百有二，田顷者六千二百六十有八，米不入民庾者为石九十万有奇，租不入公庾者为石五千有奇，喟曰：“是岂细事哉！”即疏请于部使者。会转运判官赵公善悉、提举常平王公容，俱遣属按视，复命曰：“信。”则共捐钱出粟称所费，委于邑而责成焉。林君于是身总役，而分隶其地于丞若尉，又礼致乡官之贤与乡士有信义者，枚选民之饶于财而不渔于官，浮屠氏之有幹力而畏事者，共集之。上率以诚，下相以力，不督自励，以是年之十一月经始，明年之二月迄事。（《江西通志》一百二十刘德秀《观巷题记》）

按《郡志》，仲懿平阳人，淳熙戊戌第，山阴令。善悉，亦我温人。

包 履 常

君名履常，字适可，姓包氏，孝肃公七世孙也。孝肃世家合肥，曾孙莘徙永嘉之雁池，是为君四世祖。祖汝家，又徙乐清之柳市，其居城之西洋则自君始。（真德秀《西山集》四十《朝请郎包君墓志铭》）

平生力学，有得于絜矩之一言，故其教授盱江，视士之无所乎馆也，则首辟讲堂，既又辟诸斋，增廩，生徒至五六十人。其在豫章亦然。御书阁久圯，白于郡，一新之。邻壤之士亦相与负笈

从君游，弟子员溢几数百。（同上）

其宰吉之吉水，视民之病在于土瘠赋重，则为均税之。弗均者而更新其版籍，使人蠹亡所容。岁艰食，为请粟于常平使者振业之，又请州蠲其赋。民贫不能输者，约县计输称是。楮币之令下，郡欲因以为功，奉行亟甚，它县惕息应令亡敢后，君于其间独务为□□以便民。郡文书朝夕下，君弗为动。幕府有移书镌消者，君报之曰：“某书生，知奉法循理而已。宁忤上官以谴去，不敢苟随也。”未几，守以烦扰罢，人始服君精识。赋粟故即县以输，会安抚使领州，下令俾取输于郡，民病之。君力争至数四，事为之止。县有五都，各结义丁自卫。时黑风群盗方炽，郡将提兵致讨，檄县发义丁为犄角助。君曰“义丁为乡井设耳。驱之以婴剧盗，犹羊御狼也。”则移书具言所以不可之状。檄再下，君执如初，事亦为中止。县之俗素狃于讼，少不得志则遍走诸台。或请惩其尤者，君曰：“吾之于事，求其是而已。县而是，台犹县也，非是，可使民有冤乎？”由是邑人察君之心，卒亦无反讼者。（同上）

虞 永 年

黄岩米仓，在县治东二十步。庆元元年，令虞永年重修。（《赤城志》七《公廨》）

杨 师 望

渭夫初至临桂，刘氏儿被杀，贼不获。不数日，渭夫竟得之。既而权义宁令，复有杀赵氏媼者，或执平人将处死，人以为非，渭夫莫能辨。府召渭夫与议，旬日又得之。（《止斋集》三《送杨渭夫归省》诗注）

按：渭夫名师望，为临桂尉，《止斋集》本卷有次韵诗。又按《郡志》，杨师望淳熙八年辛丑武科，又见《广西通志·金石·长孙宗但〈龙隐岩题